

ՀԱՅԿԱԶԵՆ  
ՀԱՅԱԳԻՏԱԿԱՆ  
ՀԱՄԱԼՍ

ՀԱՏՈՐ Լ.

ՊԵՅՐՈՒԹ, 2010

## ԱԼԲԱՆԻԱՅԻ ՀԱՅԵՐԸ ԵՒ ՀԱՅ-ԱԼԲԱՆԱԿԱՆ ԱՌՆՁՈՒԹԻՒՆՆԵՐ

ԱՐԾՈՒԻ ԲԱՆՁԻՆԵԱՆ  
artsvi@yahoo.com

Արեւելեան Եւրոպայի ամենափոքր երկրի՝ Ալբանիայի հետ հայ ժողովուրդն ունեցել է պատահական յարաբերութիւններ, որոնք մինչ օրս ուսումնասիրուած եւ համակարգուած չեն: Ալբանիայի հայութեան մասին ամենամեծ հրապարակումը կատարել է Ալբանիայի Հայկական Միութեան երբեմնի նախագահ Յարութիւն Եաղհանէճեանը Բէյրութի *Միհուռք* ամսագրում: Ամերիկացի գիտնական-լրագրողներ Միրանդա Վիքերսի եւ Ջէյմս Փեթիֆէրի Ալբանիային նուիրուած արժէքաւոր մենագրութեան մէջ անդրադարձ կայ նաեւ տեղի հայերին:

Հայ-ալբանական ամենավաղ առնչութիւնը վերաբերում է ալբանական գրականութեան արշալոյսին: Ալբանիայի ազգային գրականութեան հիմնադիր Պիետրո Բոգդանին (Pjetër Bogdani, մօտ 1630-1689, յայտնի նաեւ իտալական Պիէտրո Բոգդանօ անունով) որոշ չափով առնչուել է հայ իրականութեանը: Իտալիայի Պադուա քաղաքում նրա հիմնած Tipografia del Seminario տպարանում հրատարակուել են արեւելեան լեզուներով գրքեր, այդ թւում՝ երբայերէն, արաբերէն եւ հայերէն: «Մարգարէների Անէժժը» (Cuneus Prophetarum) վերնագրուած ալբաներէն գրուած նրա առաջին գրքի երկրորդ հատորը՝ «Աշխարհի Փրկիչ Յիսուս Քրիստոսի Կեանքը»: Այն ընդգրկում է *Հին Կտակարանի Դանիէլի Գրքի Թ.24-28* հատուածների լատիներէն, յունարէն, հայերէն, ասորերէն, երբայերէն, արաբերէն, իտալերէն եւ ալբաներէն թարգմանութիւնները:

Հայերը եւ ալբանացիները միմեանց ճանաչել են Օսմանեան Կայսրութիւնում, քանի որ Ալբանիան եւս մաս է կազմել այդ կայսրութեան: Մասնաւորապէս հայահոծ Կոստանդնուպոլսում եղել է ալբանական թաղամաս՝ Առնաուտքէօյը, որտեղ բնակուել են նաեւ քիչ թուով հայեր: Արեւմտահայերն ալբանացիներին անուանել են առնաուտ/առնաուտ, ինչպէս՝ թուրքերը: այս արմատն ունի նաեւ հայկական Առնաուտեան/Առնաուտեան ազգանունը: Օսմանեան միջավայրում է ծնունդ առել «Ալբանացուն՝ սուրը, հային՝ գրիչը» ասացուածքը<sup>3</sup>: ԺԸ. դարի հայ հեղինակ Երեմիա Չելեպի Քէօմուրճեանը գրել է «Վասն էքմէքճի Առնաուտ Տիմոյի Ումեմն Որ Սիրեաց Չաղջիկ Մի Հրէի Մրգատայ Անուն» գեղարուեստական երկը, որը ներկայացնում է քրիստոնեայ ալբանացու եւ հրեայ աղջկայ սիրոյ պատմութիւնը: Այս ստեղծագործութեան մէջ Քէօմուրճեանը բարձրացրել է տարբեր կրօնների պատկանող երիտասարդների միջեւ սիրոյ իրաւունքը եւ հակառակ կրօնական արգելքներին՝ սիրոյ յաղթանակի գաղափարը<sup>4</sup>:

1912ի Նոյեմբերի 28ին Ալբանիան անկախութիւն է հռչակել՝ հինգ դար շարունակ Օսմանեան Կայսրութեան մաս կազմելուց յետոյ: Այդ կարեւոր իրադարձութեան նախաչէմին եւ դրանից յետոյ էլ, երկրի քաղաքական իրադրութեան վերաբերեալ բազմիցս գրել է հայ, մասնաւորապէս արեւմտահայ մա-

մուլը՝ թարգմանաբար հրատարակելով ինչպէս միջազգային լրատուական գործակալութիւնների տարածած ալբանական լուրեր եւ օտար մամուլում Ալբանիայի մասին լոյս տեսած յօդուածներ, այնպէս էլ տեղ տալով ինքնուրոյն նիւթերի՝:

Մեր տուեալներով՝ Ալբանիայում առաջին հայերը հաստատուել են Ի. դարի սկզբին: Նրանք եղել են սուլթանական բանակի ծառայողներ եւ օսմանեան վարչարարներ: Այնուհետեւ Մեծ Եղեռնի հետեւանքով այս երկիր են հասել հայեր Օսմանեան Կայսրութիւնից եւ հարեւան երկրներից (Յունաստան, Բուլղարիա): Մական հայ գաղթականների պարբերական մուտքն Ալբանիա սկսուել է 1925ին: Ալբանացիները, հիւրասէր ժողովուրդ լինելով եւ տեսնելով հայերի լուրջ եւ օգտաշատ գործունէութիւնը, գնահատել են եկուորներին, նրանց չեն ենթարկել ազգային կամ կրօնական խտրականութեան:

1920ականների Ալբանիան՝ Եւրոպայի միակ մեծ մասամբ մահմեդական եւ տնտեսապէս ամենախտամանաց երկիրը, ունեցել է Պորհրդային Հայաստանի չափ տարածք՝ 28.7 հազար քառակուսի կիլոմետր, 800 հազար բնակչութեամբ: Տարիներ անց Ալբանիա այցելած հայաստանցի պարուհի Անտիա Շահնարաթեանը վկայել է. «Գեղեցիկ է Ալբանիան, գեղեցիկ ու այնքան մեծ մեր Հայաստանին: Չորերն անմեծ Լոսին են յիշեցնում: Երբ մտաբերում եմ Կորչայի լճափով անցնող ճանապարհը, կարծես թէ երէկ Բայազետից վերադարձած լինեմ: Այդ լիճն էլ մեր Սեւանի մեծ քարձր լեռների վրայ է ընկած, բայց աւելի փոքր է: Մենք չլողացանք այնտեղ, բայց կերանք լճից բերուած ձուկը, որը նոյն իշխանն էր: Չարմանալի է, չէ՞: Իսկ մեզ թում էր, թէ Հայաստանից բացի ոչ մի երկիր իշխան ունենալ չի կարող... Մեր այս երկու երկրների արտակարգ նմանութեամբ պէտք է բացատրել, որ Ալբանիայի հայերը, թէև կարօտով երազում են իրենց հայրենիքը, բայց միեւնոյն ժամանակ մխիթարում՝ Հայաստանի նմանութիւն այնտեղ գտնելով»<sup>6</sup>: Իսկ 1958ին ալբանական *Բաշկիմի* թերթը գրել է. «Ընդհանուր շատ բան կայ մեր [ու հայերի] մէջ. ե՛ր պայքարը, ե՛ր սովորոյթները, ե՛ր օրէնքները: Մեր երգերն ու պարերն էլ ունեն ընդհանուր կողմեր»<sup>7</sup>:

Աշխարհագրական նմանութիւններից բացի պէտք է յիշել նաեւ, որ հայոց լեզուի պէս ալբաներէնը եւս առանձին ճիւղ է հնդեւրոպական լեզուաընտանիքում:

Ալբանական հասարակութեան մէջ, ինչպէս եւ հայկականում, շատ ուժեղ են ընտանեկան կապերը. երկու ժողովուրդներն էլ ունեն աշխարհացրիւ սփիւռք, որը հետեւողականօրէն օգնում է հայրենիքին: Յատկանշական է նաեւ, որ ալբանացիների մէջ տարածուած երաժշտական գործիք է հայկական դուդուկը:

Ահա այս երկրում հաստատուած մի հայ 1925ին թղթակցութիւն է ուղարկել հայ մամուլին՝ տեղեկութիւններ տալով Ալբանիայի ժողովրդի եւ տեղի պայմանների մասին: Ըստ այդ թղթակցութեան՝ Ալբանիայի կառավարութիւնը մինչ այդ սեփական դրամ եւ տնտեսական քաղաքականութիւն չունի, ամէն քաղաք ունի իր նախընտրած դրամը: Առեւտրականները եւ արհեստաւորները քրիստոնեաներ են, իսկ հողագործները՝ մահմեդականներ: Երկրի հարստութեան աղբիւրների օգուտները վայելում են հարուստ կալուածատէրերը, իսկ

ժողովուրդն աղքատ է: Նոյն այս թղթակցը նշել է նաեւ, որ ժողովուրդը մեծ մասամբ ծոյլ է եւ նախաձեռնութեան ոգուց զուրկ, իսկ տնտեսութիւնը խիստ նախնական է: Նա տեղեկացրել է, որ երկրում շատ աշխատանք չկայ, այդ պատճառով պետութիւնը հրահանգել է օտարականների հանդէպ թոյլատու չլինել: Կառավարութիւնը խոչընդոտում է այնտեղ հաստատուել ցանկացող հայերին, մինչդեռ տարիներ առաջ Ալբանիայի ղեկավարութիւնը ցանկութիւն է ունեցել ընդունել հայ շերամաբոյժներ, գորգագործներ եւ արհեստաւորներ, իսկ հայ հողագործներին՝ պետական հող տրամադրել: Բուն ալբանացի ժողովուրդը համակրանքով է վերաբերում հայերին: Արդէն 1927ի տուեալով՝ «Ալպանիոյ մեծ քաղաքներու մէջ կը գտնուին քաւական թուով հայ արհեստաւորներ, ինչպէս նաեւ քանի մը ազատ արուեստի մարդիկ, մասնաւոր համակրանք կը վայելեն մեր հայրենակիցները եւ դժգոհ չեն իրենց վիճակէն»<sup>8</sup>: Ալբանական կառավարութեան ժընեւի ներկայացուցիչը Հայկական Բարեգործական Ընդհանուր Միութեան պատուիրակին յայտնել է, որ Ալբանիայի կառավարութիւնը պատրաստ է ընդունել քսանի չափ հայ շերամաբոյժ ընտանիքներ, որոնց ամէն դիւրութիւն կ'ընձեռուի: Հայ Ազգային Պատուիրակութեան անդամ Տիգրան Բաշալեանն ալբանացի պատուիրակին խորհուրդ է տուել այդ հարցով դիմել Աթէնքի հայոց առաջնորդին: Հայ Ազգային Պատուիրակութիւնը հաստատուել է, որ 50ի չափ հայ արհեստաւորներ արդէն բնակուում են Ալբանիայում, բոլորն էլ բարեկեցիկ վիճակում<sup>9</sup>:

Ալբանիայի Վլէօրա քաղաքից 1930ին հայ մամուլին ուղարկուած մի թղթակցութեան մէջ յիշուում է Ալբանիայի հայութեան թիւը. Տիրանա՝ 6 ընտանիք (բժիշկ, դեղագործ, պանդոկապետ, սրճարանատէր, երկաթագործ եւ դերձակ), Վլէօրա՝ 5 ընտանիք (բժիշկ, ատամնարոյժ, աղիքի եւ սուրճի վաճառական), Դուրացցո (Դուրէս)՝ 5 ընտանիք (երկուսը օսմանեան տարիներին գինուորական կոչումով մեկնել են եւ հաստատուել այնտեղ՝ ամուսնանալով ալբանուհիների հետ), Շկոօքրա (Շկոօքր)՝ 2 ընտանիք (մին՝ կաթնիկ երկրաչափ, միւսը՝ աղիքի մշակման գործարանի տէր), Գորչա (Կորչա)՝ աքշահիրցիներ (նոյնպէս զբաղուած են աղիքի մշակութեամբ), Կինոգասթրօ (պէտք է լինի Գիրոկաստրա)՝ մէկ ընտանիք (գորգի վաճառական), Լիւշնէա՝ մէկ ընտանիք (երկրագործական վարժարանի շերամաբոյժութեան ուսուցիչ): Դուրէսում հայերին է պատկանել մեծ եւ շքեղ «Բոն Մարչէ» վաճառատունը: Ալբանահայերի ընտանեկան լեզուն հայերէնն է եւ երեսաններին հայկական դաստիարակութիւն են տալիս: Ընդհանրապէս նիւթապէս լաւ վիճակում են եւ օգնում են կարիքաւոր հայրենակիցներին<sup>10</sup>: Թէեւ չեն ունեցել եկեղեցի, վարժարան, ակումբ կամ կազմակերպութիւն՝ միմեանց կապուած են եղել ազգասիրական բարեկամութեամբ:

1932ին Ալբանիայի ութ գլխաւոր քաղաքների առեւտրական հաստատուութիւնների տնօրէն Արամ Կիւլպենկեանը, այցելելով Ստամբուլ, տեղի Արեւելք օրաթերթին հետեւեալ տեղեկութիւններն է հաղորդել ալբանահայութեան մասին. «Հայերը լաւ ամուսնացած են Ալպանիոյ մէջ եւ մեծ քաջալերութիւն կը գտնեն կառավարութեան կողմէ իրրեւ պարկեշտ եւ աշխատասէր մարդիկ»<sup>11</sup>: Ութ քաղաքներում մորթու եւ աղիքի մշակման ողջ գործը հայերի ձեռքին է եղել. կեսարացի 5-6 ընտանիք աղիքի գործում մենաշնորհ են ունեցել եւ զբաղուել դրա արտածմամբ: Ամենահարուստ վաճառականներն են եղել Պոսիկեան

եւ Պալճեան եղբայրները: Դուրացցոյում բնակուող Հայկ Պալճեանը 1930ականներին բաժանորդագրուել է Փարիզի *Չուարթնոց* ամսագրին եւ տարեգրքին<sup>13</sup>: Տիրանայում յայտնի է եղել մի ատամնաբոյժ: Մնուկուով պիլիճիքցի Ջենոբ Մկրտիչեանը հիմք է դրել լիմոնադի արտադրութեանն Ալբանիայում եւ տարածել երկրով մէկ, այնուհետեւ յատուկ մեքենաներով սկսել պաղպաղակի եւ այլ անուշեղէնների արտադրութիւն: Ետզհանէճեան եղբայրներին է պատկանել հրուշակի արտադրութեան մենաշնորհը: Արքունի ընտանիքի հայթայթիչը եւս հայ է եղել՝ Պարոյր Կիւմէզեանը: Ալբանահայերը եկեղեցի եւ դպրոց չունենալու պատճառով յաճախել են յունական եկեղեցի: Հարուստներն իրենց գաւակներին ուղարկել են Յունաստանի հայկական դպրոցները կամ Վենետիկի Մուրատ-Ռափայէլեան Վարժարանը<sup>14</sup>:

Նոյն 1932ին Փարիզի *Թաւաշ* օրաթերթի սեփական թղթակիցը Ալբանիայից տեղեկացրել է, որ երկրի մտաւորականութեան եւ պաշտօնեաների մեծ մասը բարեկամ է հայ ժողովրդին: Նրանց մի մասը կրթութիւն է ստացել Օսմանեան Կայսրութեան դպրոցներում եւ հայ ուսուցիչներ է ունեցել, իսկ Ալբանիայի մտաւորականներից շատերը նոյնպէս պաշտօնավարել են Օսմանեան շրջանում եւ առիթ են ունեցել մօտիկից ճանաչել հայ ժողովրդին եւ զնահատել նրա կարողութիւնները: *Թաւաշ* թղթակցի վկայութեամբ՝ Ալբանիայի տարբեր շրջաններում բնակուում են 100ից աւելի հայեր. բոլորն էլ ինքնաբաւ են, ոմանք՝ լաւ դիրքի հասած: Նա յիշել է հայ ատամնաբուժների. Վէջօրայից՝ Մանուէլ Աստուրեանին եւ Պէրպէրեանին, Լիսթովիքից՝ Երուանդ Հեքիմեանին եւ Տիրանայից՝ Հ. Պուրնագեանին<sup>15</sup>: Ի դէպ, ատամնաբոյժ Պէրպէրեանի որդին 1932ին աւարտել է Ալբանիայի Սպայից Վարժարանը, եւ այդպիսով Ալբանական բանակի շարքերում եղել է մի հայտրդի սպայ<sup>16</sup>: Մէկ տարի անց, 1933ին, Ալբանաբնակ մի հայ երիտասարդ այցելել է Ստամբուլ եւ *Ժամանակ* թերթին տեղեկութիւններ է տուել Ալբանիայի հայերի մասին՝ յիշելով արքայական ընտանիքի ատամնաբոյժ Մանուէլեանին եւ Դուրէսի մեծագոյն վաճառատան հայ տէրերին, որոնց մասին արդէն յիշատակուեց<sup>17</sup>:

1935ի տուեալով Ալբանիայում բնակուել են 120 հայեր՝ ցրուած տարբեր քաղաքներում: Նրանց պատկանել են աղիքի գործարաններ եւ հիւսուածեղէնի արհեստանոցներ: Ալբանացիները եւ մասնաւորապէս պետական պաշտօնեաները շարունակել են մեծ համակրանք տածել հայերի հանդէպ<sup>18</sup>:

1930ականներին Ալբանիայում որոշ անուն է ունեցել բժիշկ Մոգին (Երմոզինէ) Փոթուրլեանը: Նա ծնուել է Թուրքիայի Չուլու գիւղաքաղաքում, եղել իշխան ձեռլիլի անձնական բժիշկը: Որոշ շրջան բնակուել է Կոնիա-էրէյլիում, եղել քաղաքապետարանի բժիշկը: 1915ին խնամել է աքսորի ճանապարհին այնտեղ իջեւանած Գրիգոր Չօհրապին: 1918ին Փոթուրլեանը հաստատուել է Տիրանայում, յետագայում դարձել 1928ին իրեն Ալբանիայի թագաւոր հռչակած արկածախնդիր Ահմէթ Չոգուի (յայտնի որպէս Չոգու Ա.) եւ նրա ընտանիքի անձնական բժիշկը: Արժանացել է նաեւ արքայական թիկնապահ գնդի գնդապետի աստիճանի: 1938ին Չոգու Ա.ն Երմոզինէ Փոթուրլեանին եւ ատամնաբոյժ Յակոբ Մարգարեանին պարգեւատրել է Սկանդէրբէգի շքանշանով՝ ի նշանաւորումն իր թագաւորութեան տասնամեակի: Երկու հայ բժիշկներն էլ բարձր են զնահատուել Ալբան ժողովրդից, յատկապէս Փոթուրլեանը, որին թագաւորը

տարբեր առիթներով արտայայտել է իր անձնական երախտագիտութիւնը եւ զնահատանքը՝ մատուցած անզնահատելի ծառայութիւնների համար<sup>19</sup>:

1930ականներին Տիրանայում է ապրել նաեւ գմիւռնիացի Յարութիւն Յակոբեանը (յայտնի Սարհատ անունով): Պատանի հասակից եղել է Հայ Յեղափոխական Դաշնակցութեան անդամ, 1890ականներից մասնակցել կուսակցական գործերի, Յունաստանից Ջմիւռնիա, Պոլիս եւ Կովկաս փոխադրել գինամթերք: Պոլսի հայաթափումից յետոյ տեղափոխուել է նախ Յունաստան, ապա հաստատուել է Ալբանիայում<sup>20</sup>: Այստեղ ունեցել է մի փոքր կալուածք: Մահացել է 1941ին:

Երբ 1943ին Ալբանիան բռնազաւթել են նացիստական զօրքերը, տեղի հայերը մասնակցել են նրանց դէմ ծաւալուած պայքարին, օժանդակել պարտիզանական շարժմանը: Ոմանք գերեզմարուել են համակենտրոնացման ճամբարներ, շատերը՝ զոհուել: Ինչպէս վկայել է տարիներ անց Ալբանիայում հիւրընկալուած վերոյիշեալ հայ արուեստագիտուհին՝ «Ապրելով Ալբանիայում, այդ սակաւաթիւ հայերը անմասն չեն մնում այլաբանական ժողովրդի կեանքից... Թանգարանում մենք ծանօթացանք այն հերոս հայերի անուններին, որ պատերազմի ժամանակ եղբայրաբար պաշտպանել էին Ալբանիան եւ զոհուել պատուով»<sup>21</sup>: Վերոյիշեալ ատամնաբոյժ Մանուէլ Աստուրեանը զոհուել է երկրորդ համաշխարհային պատերազմի ժամանակ, Գերմանիայում՝ տիրահռչակ Մաութհաուզէնի համակենտրոնացման ճամբարի շինարարութեան ժամանակ<sup>22</sup>: Ալբանիայի նացիստական գրաւման ժամանակ զոհուել են ուրիշ Ալբանահայեր եւս, իսկ ազատագրման պայքարում՝ մի քանի հայաստանցի մարտիկներ:

1946ին Ալբանիան հռչակուել է ժողովրդական հանրապետութիւն: Երկրի նորընտիր ղեկավարը՝ բռնատէր Էնվէր Խոջան, որը յիսուն տարի երկիրը մեկուսացրել է աշխարհից, սեւեռուն նպատակ է դարձրել ամբողջովին Ալբանացիները երկիրը: Խոջան անձամբ անձնական լաւ յարաբերութիւններ է ունեցել հայ համայնքի որոշ անձանց հետ (օրինակ, նրա անձնական ատամնաբոյժն է եղել Աստուրեանը՝ վերոյիշեալ ատամնաբոյժ Մանուէլ Աստուրեանի որդին եւ էմիլ Աստուրեանի հայրը<sup>23</sup>): Հայերին թոյլ է տրուել պահել իրենց ազգանունները, սակայն արգելուել է ամէն տեսակի եկեղեցական արարողութիւն, իսկ գաղտնի ոստիկանութիւնը տներից բռնազաւթել է հայերէն գրքերը<sup>24</sup>:

Միւս կողմից 1950-ականներին սկիզբ առաւ խորհրդա-ալբանական մշակութային փոխայցելութիւնների մի կարճ շրջան, եւ Խորհրդային Հայաստանը ներգրաւուեց այդ խորհրդա-ալբանական բարեկամութեան «պարտադիր ծրագրի» մէջ:

«Միջալրական» հռչակուած երկիր սկսել են այցելել խորհրդահայ արուեստագէտներ: 1953ին Երեւանի Ճարտարապետների Տանը բացուել է Ալբանիայի տնտեսութեան զարգացմանը նուիրուած յատուկ ցուցահանդէս, ներկայացուել է 250ից աւելի ցուցանմուշ կրթութեան, արուեստի, գրականութեան վերաբերեալ<sup>25</sup>: Ռուս շարժանկարիչ Սերգէյ Եուսկեւիչի, խորհրդա-ալբանական արտադրութեան «Ալբանիայի Մեծ Զօրավար Սկանդէրբէգը» պատմական շարժանկարի (1954) գլխաւոր դերերից մէկը կատարել է հայ բեմի մեծ դերասան Վահրամ Փափազեանը: 1956ին Երեւան է այցելել Ալբանական պատուիրակու-

թիւն եւ Հայաստանում ուսումնասիրել է կրթական աշխատանքի մեթոդները<sup>26</sup>։ Նոյն թուականի աշնանը այլանացի ֆուտբոլիստներ ժամանել են Երեւան, որոնց օգակայանում դիմաւորել են «Բարի գալուստ թանկագին հիւրերին» հայերէն եւ այլաներէն մակագրութեամբ պատասխանելով։ Սեպտեմբերի 23ին Երեւանի «Ապարտակ» ֆուտբոլի խմբի հետ տեղի է ունեցել հանդիպում<sup>27</sup>։ 1957ի Օգոստոս-Սեպտեմբեր ամիսներին Ալբանիայում հիւրընկալուել է Հայաստանի Երզն-Պարի Պետական Համոյթը, որը տարբեր բնակավայրերում տուել է 40ից ավելի համերգ՝ արժանանալով այլանական մամուլի ջերմ գնահատանքին<sup>28</sup>։ Նոյն 1957ին Երեւանում լոյս է տեսել այլանացի բանաստեղծ Անդոն Զակո-Չալուպի բանաստեղծութիւնների ժողովածուն՝ թարգմանուած ուսուերէնից<sup>29</sup>։ Նոյն տարին Ալբանիա է այցելել նկարիչ Գրիգոր Սանջեանը, որն ստեղծել է այլանական բնանկարների եւ դիմանկարների մի շարք՝ «Սկանդէրբէգի Հրապարակը Տիրանայում», «Շուկայ Ալբանիա», «Լին Գիւղը», «Երիտասարդ Մայր», «Աղջկայ Դիմանկար», «Հանգիստ», «Ալբանական Դիմանկար»<sup>30</sup>։ 1958ին Հայաստան են այցելել այլանական մշակոյթի գործիչներ, որոնց թուում՝ Տիրանայի Դրամատիկական Թատրոնի անուանի դերասան Զոկա Պետերը։ Նա հանդիպումներ է ունեցել հայ արուեստագէտների հետ<sup>31</sup>։ 1958ին են կայացել նաեւ դաշնակահարուհի Արեւիկ Աւագբէկեանի եւ ջութակահար Յակոբ Վարդանեանի հիւրախաղերն Ալբանիայում, որոնք արժանացել են այլանական Պուշա պարբերականի դրուատիքին<sup>32</sup>։

Ինչպէս տեսնում ենք, բոլոր այս իրողութիւնները վերաբերում են 1950ականներին։ Ալբանա-խորհրդային այս հատուկ կապերը շարունակուել են մինչեւ 1968, երբ Ալբանիայի իշխանութիւնները դադարեցրել են երկրի անդամութիւնը Վարչաւայի Ուխտին, խզել ամէն կարգի յարաբերութիւն Սորհրդային Միութեան հետ եւ մեկուսացրել երկիրը ամբողջ աշխարհից։

1990ին Հայաստանի անկախութեան հռչակումով եւ Արեւելեան Եւրոպայում Վարչաւայի Ուխտի մարումով, Ալբանիայի հայերն ազգային զարթոնք են ապրել՝ ազատուելով, ինչպէս այլանահայ գործիչն է բնորոշել, «յիսնամեայ բռնաբարակաւ կղզիացումից»<sup>33</sup> եւ քայլեր առել կազմակերպուելու իբրեւ համայնք։ 1991ի Մարտի 17ին Տիրանայի հայերը համախմբուել են «Ալբանիայի Հայեր» մշակութային միութեան շուրջ, որի ղեկավար է ընտրուել Յարութիւն Եաղհանէճեանը, քարտուղար՝ ներդաւիւրաբոյժ, Տիրանայի Համալսարանի դասախօս Էմիլ Աստուրեանը (ծն. 1958ին)։ Այդպիսով, առաջին անգամ յիսուն տարուայ ընթացքում այլանահայերը միաւորուել են ազգային կառույցի շուրջ։ Էմիլ Աստուրեանը հայ մամուլին տեղեկացրել է, որ նոյն թուականի Ապրիլի 21ին մի այլանացի կաթոլիկ քահանայ պատարագ է մատուցել Վարդանանց հերոսների, 1915ի նահատակների եւ Ալբանիայի հայերի ննջեցեալների յիշատակին։ Նոյն տարում Միութեան մասնաճիւղ է հիմնադրուել Դուրէսում<sup>34</sup>։ «Ալբանիայի Հայեր» միութիւնը կապեր է հաստատել Յունաստանի, Իտալիայի, Լիբանանի հայկական միութիւնների, Լիսաբոնի Գալուստ Կիւլպենկեան Հիմնարկութեան եւ Փարիզի Հայ Առաքելական Եկեղեցու առաջնորդարանի հետ։ 1990-91ին Ալբանիայի հայերը սերտ կապեր են հաստատել Մալմիկի ակտիւ հայ համայնքի հետ՝ վերջինից ստանալով ազգային կրթութեան վերաբերեալ նիւթեր։

1990ականների տուեալով՝ Ալբանիայի շուրջ 200 հայերի մի մասը գտարիւն հայեր են, մնացեալը՝ այլանախառն հայեր (ամուսնացած առաւելապէս ուղղափառ, քան կաթոլիկ կամ մահմեդական այլանացիների հետ)։ Նրանց ազգանուններն են՝ Աբոյան, Աստուրեան, Եաղհանէճեան, Զաքարեան, Էսքիճեան, Կիւզէլեան, Հալէպլեան, Մարգարեան, Միրզայեան, Մեսեան, Շահնայեան, Զաքմաճեան, Պալեան, Պատէեան, Պուրնուզեան, Փափագեան, Փիրալեան, Փոթուրլեան, Գնաճեան<sup>35</sup>։ Ըստ ՀՀ Արտաքին Գործերի նախարարութեան 2002ի հրապարակման՝ Ալբանիայում բնակուում է 500 հայ<sup>36</sup>, ներառեալ՝ սակաւթիւ Հայաստանից արտագաղթածներ։ Մեծ մասն ունի բարձրագոյն կրթութիւն եւ աչքի են ընկել յատկապէս իրաւաբանական եւ բժշկական ոլորտներում։

Իրականութեանն ակելի մօտ են թուում Վիքերսի եւ Փեթրֆէրի նշած տուեալները։ Նրանք նշել են, որ Ալբանիայում հայերը հաստատուել են Յեղասպանութիւնից յետոյ, հիմնականում Տիրանայում, Դուրէսում եւ Վլէօրայում, այնուհետեւ այստեղ են եկել խորհրդային բանակի հայ զինուորականներ իրենց ընտանիքներով։ Ներկայ դրութեամբ նրանց թիւը մօտ 800 է՝ Տիրանայում եւ Վլէօրայում<sup>37</sup>։

Ալբանահայ նոր սերունդների մօտ հայոց լեզուի կատարեալ չիմացութիւն է եղել, բացառութեամբ Կիպրոսի Մելգոնեան կրթական Հաստատութիւնում ուսանած մի քանի այլանահայ երիտասարդների։ (Անգամ նրանք բաւական հեռացել են հայութիւնից, ինչպէս՝ Աւնի Դրասա Էսքիճեանը, որի հետ հաստատել ենք նամակագրութիւն)։ 1992ին Յարութիւն Եաղհանէճեանը Տիրանայում կազմակերպել է հայոց լեզուի երկսեռ դասարան։ Նա կոչ է արել սփիւռքահայ միութիւններին սատար կանգնել այլանահայ նոր սերնդի կրթական կարիքներին՝ նրանց վերջնական ձուլումից հետո պահելու նպատակով։

1993ի Յուլիսին Ալբանիայի հայերին այցելել են Գիւտ արքեպիսկոպոս Նազգաշեանը Փարիզից՝ Տ. Ժիրայր ծայրագոյն վարդապետ Թաշճեանի ընկերակցութեամբ։ Ալբանահայերի մեծ մասը չէր տեսել ո՛չ հայ քահանայ, ո՛չ հայ եկեղեցական արարողութիւն։ Տեղացի այլանացի կաթոլիկ մի քահանայ իր համերաշխութիւնն է ցոյց տուել հայ հոգեւորականներին՝ երկու անգամ նրանց տրամադրելով իր եկեղեցին։ Մատուցուել է հայկական պատարագ, այլանահայ փոքրիկները մկրտուել եւ օծուել են<sup>38</sup>։

1990ականների սկզբին երկրում տիրող ընկերային-տնտեսական դժուարութիւնների պատճառով սկիզբ է առել Ալբանիայի բնակչութեան զանգուածային արտագաղթը տարբեր երկրներ, հիմնականում՝ Արեւմտեան Եւրոպա։ 1993-1995ին Ալբանիայի հայ համայնքի անդամներից շատերն արտագաղթել են, ոմանք՝ վերադառնալու պայմանով<sup>39</sup>։

Յիշենք մի քանի աչքի ընկած այլանահայերի։ Ալբանիայի Հեղինակային Իրաւունքների եւ Յարակից Հարցերի Ընկերակցութեան նախագահն է երգահան Հայկ Զաքարեանը (ծն. 8.05.1951)։ Միջնակարգ կրթութիւնն ստացել է ծննդավայրում, յաճախել դաշնամուրի եւ այլ երաժշտական գործիքների դասընթացների։ 1989-1974ին երաժշտական յորինում է ուսանել Տիրանայի Արուեստի Ակադեմիայում։ Զաքարեանը նախ աշխատել է սիրողական երաժշտախմբերի հետ, ապա դարձել Դուրէսի «Մուժո Ուլթինակու» արուեստի դպրոցի դասախօս՝ մի քանի տարի ղեկավարելով այդ

դպրոցի երաժշտութեան տեսութեան եւ յորինման բաժինը: Ստեղծագործում է գրեթէ բոլոր երաժշտական սեռերով<sup>10</sup>: Ջաքարեանը յայտնի է առաւելապէս կինօերաժշտութեամբ: Նա երաժշտութիւն է գրել 27 տեղական շարժանկարների համար, ինչպէս՝ բեմադրիչներ Սաիմիր Կումբարոյի «Լստ Օրէնքի» (1976), Մարկ Տոպալլայի «Ամուսնութեան Ձայնը» (1978), Գեղիմ էրեբարէի «Գիշեր Առանց Լոյս» (1981), Դիմիտրի Անագնոստի «Եղբայրներ եւ Ընկերներ» (1982), Կուլտիմ Եսակուի «Ընկերները» (1982), «Ջերմ Ձեռք» (1983) եւ «Որսորդական Յանցանք» (1987), Կրիստակ Միտրոյի եւ Իբրահիմ Մուլայի «Լաւ Մարդը» (1982), Քսանթիսէ Կեկոյի «Տառլանտին Քոյր է Փնտուում» (1984), Նեփտի Տաֆայի «Դու Չպիտի Լուս» (1985), Ֆեհմի Հոսահֆիի «Յանուն Ազատութեան» (1987) եւն.: Ջաքարեանը եղել է նաեւ «Ալբանա-Հայկական Բարեկամութիւն» Ընկերակցութեան նախագահը:

Ալբանական մի քանի շարժապատկերներում գլխավոր դերերով հանդէս է եկել հայուհի Անիսա Մարգարեանը (հաւանաբար վերոյիշեալ ատամնաբոյժ Յակոբ Մարգարեանի գերդաստանից): Նա ծնուել է 1961ին, Տիրանայում, աւարտել է Տիրանայի Համալսարանի Բժշկութեան Բաժինը: 1978ին գլխավոր դեր է ստացել այբանացի կինօբեմադրիչ Գեղիմ էրեբարէի «Կարմիր Ժապակէններով Աղջիկները» (1978) շարժանկարում, ապա նաեւ՝ Վիկտոր Գլիկայի «Տարին Շուրջալոր» (1980), «Գարունը Միայնակ Չի Գալիս» (1988), Պիրո Միլկանիի «Մերութեան Գոյները» (1990) շարժանկարներում: Անիսա Մարգարեանը նաեւ վերջին կինօնկարի բեմագրի հեղինակն է: Յետագայում հաստատուել է Փարիզում, որտեղ նկարահանուել է Լիրի Բեգէյի «Բարբարոսներից Հեռու» Ֆիլմում:

Տիրանայում գործող DIDACT ALBA կրթութեանն օժանդակող ընկերութեան նախագահն է Ժիրայր Յովասար Չաքմաքճեանը (ծն. 1970), գլխավոր տնօրէնը՝ Տիրան Չաքմաքճեանը:

Հայ-ալբանական հատուկ նշանակաւոր շարունակում են՝ հիմնականում մշակութի բնագաւառում, տարածաշրջանային համագործակցութեան ոլորտում: 1999ին Տիրանայում կայացած արուեստաբուհութեանը նուիրուած միջազգային սեմինարին մասնակցել են նաեւ երեք հայաստանցիներ՝ դերասան Լեովա Իւանեանը, բեմադրիչ Յասմիկ Խաչերեանը եւ երաժշտագէտ Լիլիթ Միմոնեանը: 2001ին Երեւանում կայացած «Փոքրիկ, Փոքրիկ, Փոքրիկ» միջտարածքային թատերական փառատօնին մասնակցել են նաեւ դերասաններ Ալբանիայից՝ ներկայացնելով «Մեղալի Երկու Երեսը» բեմադրութիւնը, որ շուտփուով էր քաղաքական թեմաներ<sup>11</sup>:

Այսպիսով, ի դէմս այբանաբնակ սակաւաթիւ հայութեան՝ Եւրոպայի հայ համայնքների խճանկարն ունենում է եւս մէկ գոյն, յար եւ նման այլ փոքր երկրների հայազաղութիւններին: Կազմաւորում Մեծ Եղեռնի հետեւանքով, արագ ուժացում ազգային միաւորուած կեանքի բացակայութեան եւ խառն ամուսնութիւնների հետեւանքով, ազգային որոշակի զարթօնք, հատուկ նշանակաւոր ընկնող ներկայացուցիչներ տարբեր ոլորտներում: Ինչ վերաբերում է Հայաստանի եւ Ալբանիայի միջեւ կապերին, ապա դրանք, ինչպիսին էլ որ լինեն, ի սկզբանէ դատապարտուած են ունենալու պարագայական, եւ շարունակելու-

թիւն չենթադրող բնոյթ՝ առկայ առնչութիւնների սակաւադէպութեան եւ փոխադարձ հետաքրքրութեան ու շահերի գրեթէ բացակայութեան պատճառով:

**ՄԱՆՕԹԱԳՐՈՒԹԻՒՆՆԵՐ**

<sup>1</sup> Յարութիւն Եաղհանէճեան, «Նամականի», *Սփիւռք*, թիւ 13, 1993, էջ 21-24:  
<sup>2</sup> Miranda Vickers, James Pettifer, *Albania: from Anarchy to a Balkan Identity*, C. Hurst & Co. Publishers, 1997, էջ 206-207:  
<sup>3</sup> James Pettifer, "Back to Life. Doctor Revives Albania's Armenian Community," *Armenian International Magazine*, July 1991, էջ 35:  
<sup>4</sup> Տե՛ս՝ Յասմիկ Սահակեան, «Երեմիա Չելեպի Բէժօմուրեանի Մի Անտիպ Պոէմը», *Բանբեր Մատենադարանի*, 8, Երեւան, Հայկական ՍՍԻ ԳԱ Հրատ., 1962, էջ 409-27:  
<sup>5</sup> Տե՛ս, օրինակ՝ *Ազատամարտի Լոնդոնի թղթակից Մ. Բ. Փափազեանի յօդուածները՝ «Ալբանական Դէպքերը եւ Անգլիական Մամուլը», Ազատամարտ*, 17.20.07.1911, «Ալբանական Դէպքերը եւ Անգլիական Կարծիք», նոյն տեղում, 13-26.07.1911 եւն.:  
<sup>6</sup> «Տիրանա-Բուդապեշտ-Սոֆիա», *Սովետական Արուեստ*, թիւ 2, 1968, էջ 82:  
<sup>7</sup> «Բարեկամները Գրում են», *Սովետական Արուեստ*, թիւ 2, 1968, էջ 86:  
<sup>8</sup> «Հայերը Դէպի Ալպանիա», *Մարմարա*, 18.02.1925:  
<sup>9</sup> «Հայերը Ալպանիոյ Մէջը», *Ապագայ*, 9.07.1927:  
<sup>10</sup> «Հայ Գաղթականների Ալպանիոյ Մէջը», *Հայրենիք*, 12.09.1928: Լուրը կրկնուել է նաեւ մի քանի օր անց՝ «Ալպանիա Հայ Շերամապահներ Կ'ուզէ», *Հայրենիք*, 19.09.1928:  
<sup>11</sup> «Հայեր Տիրուցան», *Յառաջ*, 18.03.1930:  
<sup>12</sup> «Հայերը Ալպանիոյ Մէջը», *Հայրենիք*, 22.09.1932:  
<sup>13</sup> Տե՛ս՝ «Նամակատուփ», *Չուարթնոց*, 1.12.1938:  
<sup>14</sup> «Հայերը Ալպանիոյ Մէջը», *Հայրենիք*, 22.09.1932:  
<sup>15</sup> Հաւանաբար միեւնոյն անձնաւորութիւնն է դերասան Մանուէլ Մարութեանի յուշերում յիշատակուած ատամնաբոյժ Յարութիւնը, որը 1928ին բնակուել է Փարիզում, Բէն Ակիբայի դերով մասնակցել Մարութեանի բեմադրած «Ուրիէլ Ակոստա» ներկայացմանը, այնուհետեւ տեղափոխուել է Ալբանիա (Մանուէլ Մարութեան, *Ի՞նչ է Պատահում Բեմի Վրայ, Բեմի Ետեւ Եւ Բեմից Դուրս*, Անթիլիաս, Տպ. Կաթողիկոսութեան Հայոց Մեծի Տանն Կիլիկիոյ, Հայ Տիպ Գոմփիւկերաֆ, 1986, էջ 131):  
<sup>16</sup> «Ալպանիոյ Հայ Գաղութիւնը», *Յառաջ*, 15.04.1932:  
<sup>17</sup> «Ալբանիոյ Հայերը», *Հայրենիք*, 16.11.1933:  
<sup>18</sup> «Ալպանիոյ Հայերը», *Այլք*, 6.06.1935:  
<sup>19</sup> «Չոկու Թագաւորին Պալատին Մէջը», *Արազ*, 3.10.1937. նաեւ՝ *Albania Honors Court Physicians, Hairenik Weekly*, 30.09.1938:  
<sup>20</sup> Նրա մասին տե՛ս՝ «Սարհատ Մեռած», *Հայրենիք*, 11.07.1930: «Սարհատ Ողջ է», *անդ*, 29.07.1930: «Սարհատ Կը Հերքէ Իր Մահը», *անդ*, 22.08.1930:  
<sup>21</sup> «Տիրանա-Բուդապեշտ-Սոֆիա»:  
<sup>22</sup> Տե՛ս՝ նրա թոռան՝ բժիշկ էմիլ Աստուրեանի վկայութիւնը՝ Pettifer:  
<sup>23</sup> Vickers, Pettifer, էջ 206:  
<sup>24</sup> Pettifer:  
<sup>25</sup> «Ալպանական Յուզահանդէս Երեւանի Մէջը», *Հայաստանի Կոչնակ*, 30.05.1953, էջ 734:  
<sup>26</sup> «Հայ Ազգային Կեանք», *Հայաստանի Կոչնակ*, 18.02.1956, էջ 164:  
<sup>27</sup> «Հայ Ազգային Կեանք», *Հայաստանի Կոչնակ*, 22.12.1956, էջ 1220:  
<sup>28</sup> «Տիրանա-Բուդապեշտ-Սոֆիա», էջ 80: *Հայաստանի Կոչնակը Հայաստանի Երգի-Պարի Պետական Համոյթի Ալբանիայում տուած համերգերի թիւը նշել է 96, ինչը թիւերիմացութիւն կամ վրիպակ է («Հայ Ազգային Կեանք», Հայաստանի Կոչնակ, 23.11.1957, էջ 1124):*

- <sup>29</sup> Անդոն Զակո-Չալուպի, *Բանաստեղծութիւններ*, Թարգմ. Վահագն Կարենց, Մ. Յարութիւնեան, Երեւան, Հայպետհայտ, 1957:
- <sup>30</sup> Nonna Stepanyan, Boris Zurabov, Grigor Khandjyan: *Jivopis, Grafika (Գրիգոր Խանջեան. գեղանկար, գծանկար)*, Երեւան, 1987, էջ 37-39:
- <sup>31</sup> Ն. Ստեփանեան, «Զոկա Պետէրը Երեւանում», *Սովետական Արուեստ*, Թիւ 12, 1958, էջ 79:
- <sup>32</sup> «Բարեկամները Գրում Են» :
- <sup>33</sup> Եաղչանէճեան, էջ 21:
- <sup>34</sup> Pettifer:
- <sup>35</sup> Նոյն, էջ 22:
- <sup>36</sup> Տէս՝ Եովսէփ Խորշուզեան, «Սփիւռքահայ Գաղթօջախների Եւ Համայնքների Կապիտալի, Ինովացիոն-Տեխնոլոգիական Եւ Մտաւոր Ներուժի Հաշուառում, Քարտէզագրում Եւ Դասակարգում», *Հայաստան 2020. Զարգացման Եւ Անվտանգութեան Բազմապարուժիւն*, Երեւան, Տպ. Տիգրան Մեծ, 2003, էջ 364:
- <sup>37</sup> Vickers, Pettifer, էջ 206:
- <sup>38</sup> Եաղչանէճեան:
- <sup>39</sup> Vickers, Pettifer, էջ 206-207:
- <sup>40</sup> <http://artistetshqiptare.com/kreu.php?faqe=artist&artID=229>
- <sup>41</sup> Արծուի Բախչինեան, «Փոքրիկ, Փոքրիկ, Փոքրիկ... Միջտարածքային Թատերական Փառատօն Երեւանում», *Օրեր*, Թ. 1-4, 2001, էջ 35:

ARMENIANS IN ALBANIA AND  
ARMENIAN-ALBANIAN RELATIONS  
(Summary)

ARTSVI BAKHCHINYAN  
Artsvi@yahoo.com

The Armenians have had occasional historical and cultural relations with the smallest of the Balkan countries, Albania. In the early 20th century Armenians from the Ottoman Empire settled in Albania. In 1925 groups of Armenian immigrants lived in various cities of Albania. They totalled 120 in 1935. Mostly craftsmen, some of them owned their own small businesses.

The proclamation of Socialist regime in Albania weakened the local Armenian community and reduced its number. After the collapse of Communism Albanian Armenians made some attempts at unification. In 2002 the 500 or so Armenians founded a cultural association in Tirana called "Armenians of Albania". Currently the community includes some figures like the composer Haig Zaharian and film actress Anica Markarian who are renowned in the Albanian contemporary arts.